



Republika e Kosovës
Republika Kosova-Republic of Kosovo
Qeveria - Vlada - Government

UDHËZIM ADMINISTRATIV (QRK) - Nr. 06/2024
PËR PLOTËSIMIN DHE NDRYSHIMIN E UDHËZIMIT
ADMINISTRATIV (QRK) - NR. 13/2022 PËR MËNYRËN DHE
PROCEDURAT E SHITJES DHE DHËNIES ME QIRA TË PASURISË
SË LUAJTSHME DHE TË PALUAJTSHME TË SEKUESTRUAR DHE
TË KONFISKUAR¹

¹ Udhëzim Administrativ (QRK) - Nr. 06/2024 për plotësimin dhe ndryshimin e Udhëzimit Administrativ (QRK) Nr.13/2022 për Mënyrën dhe Procedurat e Shitjes dhe Dhënies me Qira të Pasurisë së Luajtshme dhe të Paluajtshme të Sekuestruar dhe të Konfiskuar, është miratuar në Mbledhjen e 214- të të Qeverisë së Republikës së Kosovës me Vendimin Nr. 21/214, të datës 24.07.2024.

Qeveria e Republikës së Kosovës,

Në mbështetje të nenit 93 paragrafi 4 të Kushtetutës së Republikës së Kosovës, në pajtim me nenin 8 (paragrafi 3) të Ligjit Nr. 08/L-034 për ndryshimin dhe plotësimin e Ligjit Nr. 05/L-049 për Administrimin e Pasurisë së sekuestruar dhe të Konfiskuar, në pajtim me nenin 8 paragrafi 4 nën paragrafi 4.5 i Ligjit Nr. 08/117 për Qeverinë e Republikës së Kosovës, si dhe nenit 9 paragrafi 1 të Rregullores (QRK) - NR. 17/2024 së Punës të Qeverisë së Republikës së Kosovës,

Miratton:

UDHËZIM ADMINISTRATIV (QRK) - Nr. 06/2024 PËR PLOTESIMIN DHE NDRYSHIMIN E UDHËZIMIT ADMINISTRATIV (QRK) Nr.13/2022 PËR MËNYRËN DHE PROCEDURAT E SHITJES DHE DHËNIES ME QIRA TË PASURISË SË LUAJTSHME DHE TË PALUAJTSHME TË SEKUESTRUAR DHE TË KONFISKUAR

Neni 1 Qëllimi

Qëllimi i këtij Udhëzimi Administrativ është plotësimi dhe ndryshimi i Udhëzimit Administrativ (QRK) - Nr.13/2022 për Mënyrën dhe Procedurat e Shitjes dhe Dhënies me Qira të Pasurisë së Luajtshme dhe të Paluajtshme të Sekuestruar dhe të Konfiskuar (në tekstin e mëtejshëm: Udhëzimi bazik).

Neni 2

Pas nenit 21 të Udhëzimit bazik, shtohet nen i ri 21/A, si në vijim:

Neni 21/A

1. Agjencia mund të jap me qira në fazën e sekuestrimit pasuritë e luajtshme dhe të paluajtshme pa ankand publik nëse këto pasuri i kërkon organi shtetëror ose institucioni publik.
2. Çmimin mujor të qirasë e cakton Agjencia.
3. Agjencia në çdo kohë në fazën e sekuestrimit mund t'i kthej pasuritë e luajtshme dhe të paluajtshme nëse e kërkon interesi publik.
4. Organi ose institucioni publik gjatë fazës së sekuestrimit është i detyruar që të administroj dhe menaxhoj me pasuritë e luajtshme dhe të paluajtshme, duke përfshirë edhe ruajtjen e vlerës së tyre sipas kontratës së qirasë.
5. Për çdo dëmtim të pasurisë së sekuestruar, përgjegjës për kompensim është institucioni publik ose organi shtetëror në cilësinë e qiramarrësit.

Neni 3
Hyrja në fuqi

Ky Udhëzim Administrativ hyn në fuqi shtatë (7) ditë pas publikimit në Gazetën Zyrtare të Republikës së Kosovës.

Albin KURTI

Kryeministër i Republikës së Kosovës

02. Gusht 2024